

28 JAN 2003

Azmi-Oman/I

MALAYSIA DAN OMAN IKRAR TINGKATKAN HUBUNGAN

Oleh: Shakir Husain

DUBAI, 28 Jan (Bernama) -- Menteri Pembangunan Luar Bandar Datuk Azmi Khalid mengadakan perbincangan dengan para pegawai kanan Oman di Muscat semasa lawatannya yang bertujuan merapatkan lagi hubungan antara Malaysia dan Oman.

Azmi menyampaikan perutusan daripada Perdana Menteri Datuk Seri Dr Mahathir Mohamad kepada Sultan Oman, Sultan Qaboos Said pada pertemuannya dengan Timbalan Perdana Menteri Sayyid Fahd Mahmoud Al Said, menurut laporan media Oman.

Beliau merupakan antara menteri Malaysia yang ditugaskan mengunjungi negara-negara anggota Pergerakan Negara-negara Berkecuali (NAM) untuk menyampaikan surat dan jemputan rasmi kepada para pemimpin negara-negara itu menghadiri sidang kemuncak di Kuala Lumpur dari 20 hingga 25 Feb.

Semasa perbincangan pada Sabtu, Sayyid Fahd menyatakan kecenderungan Omar untuk menggggalkan hubungan dengan Malaysia dalam semua bidang.

Menteri Pertanian dan Perikanan Oman Sheikh Salim Hilal Al Khalili dan Duta Malaysia ke negara ini Datuk Mohamed Radzi Abdul Rahman turut hadir.

Azmi dan rombongannya turut mengadakan pertemuan dengan Menteri Luar Yousef Alawi pada Ahad.

Kedua-dua menteri bertukar-tukar pendapat mengenai perkembangan isu serantau dan antarabangsa serta perkara kepentingan bersama dan membincangkan cara untuk meningkatkan aspek kerjasama dua hala, menurut laporan Agensi Berita Oman.

-- BERNAMA

SH AZZ RON